

MAI ITA FUNU HASORU KI'AK

Objetivu Dezenvolvimentu Mileniu iha ami nia moris

Ilha tinan 2000, nai ulun hosi nasaun hotu konkorda katak ita hotu tenke servisu hamutuk hodi funu hasoru kiak, hamlaha, moras, no mos eksklusuun – no au mesmu tempu fo promosaun ba igualdade jeneru, edukasaun, no mos meu ambiente nebe sustentavel. Objetivu sira ne'e hotu mak sira hanaran Objetivu Dezenvolvimentu Mileniu (MDGs).

Lor-loron ema hotu involve iha dezenvolvimentu ne'e no bele ajuda Timor-Leste ba futuru nebe oin seluk. Iha istoria hirak tuir mai ne'e, ami sei hato'o agrikultoris, peskadores, vendedores, soru tais, infermeirus, jornalistas, ONG lokal, no politika nain sira (hanesan ezemplu deit) sira hotu servisu hamutuk ajuda Timor-Leste hodi alkansa sira nia objetivu ba dezenvolvimentu ne'e.

OBJETIVUS

- *Hamenus kiak no hamlaha*
- *Ema hotu tenke hetan edukasaun baziku*
- *Promove Direitu Igualdade ba feto ho mane no mos habi'it feto*
- *Hamenus mortalidade labarik sira nian*
- *Hadia saude inan sira nian*
- *Hadok an husi HIV/AIDS, malaria no moras sira seluk*
- *Garantia sustentabilidade meu ambiente*
- *Habelar parseira ho governo, doadores, sociedade sivil no populasuun hotu atu halao dezenvolvimentu*

Agapito da Silva, Funsionariu Saude Distritu Manatuto nian koaliala kona ba ninia servisu iha saude

Karik Saude nudar parte susesu istoriku independete ba Timor-Leste, mak ema hanesan Agapito da Silva, tinan 44 chefe saude distrito Manatuto, ida nebe halo tiha ona saude sai diak. Servisu la hatene kolen besik tinan 20 atu modifika superstisaun hahalok tuan-nasaun, pratikas saude ignoransia no prejudisiais, nia tulun hamosu konsiensia konaba asuntos saude komunitariu nian iha Manatuto.



Agapito da Silva

Ohin loron, distrito ne'e hasoru target saude nasaun nian: laiha kazu polio desde 1996 no la konfirmadu kazu sarampu: "foin semana liu ba hau rona labarik nain nen mate tanba saranpu iha distrito seluk," Nia kulaiah ho triste wanhira ami hasoru malu iha sede saude distrito nian iha rai manas lokraik ida iha fulan Febreiru, "basá importante tebes wanhira imunizasaun ida ke simples bele prevene moras ne'e."

"Protesaun polio agora prolonga ba aserka 90%" ba labarik, nune'e mos ba labarik sira moris nebe hetan asistensia hosi parteira sira hamutuk 60%. Maibe la be-beik nune'e.

Iha tempu nebe kondisaun saude populasuun sira nia sai a'at liu no iha okupasaun Indonesia, sira la preokupa tan ona se karik sira mate hosi moras tanba mate sempre mai iha ami nian moris lor-loron nian. Populasuun sira sai fatalista ka vitima ba mate". Maibe la'os Agapito – Nia hare ona avo Martha Soares, salva moris nudar infermeira-parteira no nudar labarik foin sa'e no decide atu tuir ninian ain-fatin.

No iha postu saude nian ida ke abandonadu iha Lacio neba nia hahu nia moris servisu nian – literalmente hosi zero. "sem equipamento mediku no madikamentu, hau tenke esmola no empresta moveis hosi eskolas lokais atu bele hahu," nia haktuir. Maibe nia la persiza tama sai suco-ba-suco hodi espalla konsiensia konaba saude ba ema nia saude. "hau kontinua ba eskolas, merkadus no sempre buka tempu hodi koaliala ho lideransa comunidade nian konaba programas saude, saniamentu, uman no liu-liu atu buka tulun mediku wanhira imi moras. Uluk liu, ema

so mai diet iha doutor wanhira sira moras boot nebe la iha tan esperansa. Neik-neik, ami hare sira muda sira nian hahalok".

Nudar Veteranu ida iha tempu Indonesia nian, nia mos iha pozisaun ida ke uniku atu kompara sistema saude iha rai laran antes no depois de independensia. "Ne'e los, ami iha rede saude nian ida ke ki'ik liu no infraestrutura do que iha Indonesia nia tempu" nia dehan, "maibe ami hari-hikas buat ida ke diak liu. Ami planeia no konstroi sentru komunitariu saude ke diak liu no iha equipamento mediku no fasilidade mak diak.

Wanhira ami husu nia konaba segredu hosi nia susesu no nia dehan "ida ne'e kona ba halo informal diskusaun ho gurgus ema sira iha fatin-fatin. Hau sempre buka tempu hodi hasoru malu ho lideransa comunidade nain no hau haksolok hare mudansa atetudi nebe truka ho tempu. Uluk liu quandu emaruma hetan depresaun ka moras mentalidade sira sempre dehan nia hetan kastigu hosi sira nia viza-avo nia espirtu maibe agora hau iha pasientes moras mentalidade liu atus ida mak iha tratamentu nia laran no sira nian moras bele kura.

Nune'e mos konfliktu tinan-tinan husik ona sira nian dezafius rasik ba mediku komunitariu, progresu oras ne'e iha dezenvolvimentu lori buat foun mai. "Buat nebe mak boot liu mak taxa kresimentu populasuun ke a'as, ami simplemente labele alkansa ami nia target ho numerus bebe sira nebe mak moris loron ba loron." Agapito agora muda nia atensaun ba familia planeadu no nia halo motivaun ba kazal 200 iha distrito atu uza pill kontraseptivu no injeksions, nebe nudar inisiu ida ke importante iha nasaun ida nebe hakarak familia boot ka barak ke quaze universal."

Saida mak nia meta moris nian? "Hau hakarak ema hotu kompriende, katak sira nia saude iha sira nia liman rasik. Karik sira hatene oinsa kuidadu sira nia saude, ita la persiza atu duni ema iha areas foho remote, sira sei mai rasik hasoru ita. No lembra katak halo prevensaun ba moras baratu liu fali ita kura nia.

